

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1763

Caput I. Introitus operis

[urn:nbn:de:bsz:31-295084](https://nbn-resolving.org/urn:nbn:de:bsz:31-295084)



HISTORIAE
ZARINGO - BADENSIS
LIBER PRIMUS
PRAEVIUS.

CAPUT I
INTROITUS OPERIS.

§. I.



INCLYTA MARCHIONUM BADENSIIUM Trium
Domuum
nexus.
Domus cum augustis Lotharingæ & Austriæ
Domibus communes ex Alfatia origines derivat.

ETICHO Alemanniæ veteris potens Dynasta
sub Merovingis Aufrasiæ Regibus, primus, quem novimus,
seculi VII. Alfatiae Dux, trium Gentis suæ Familiarum conditor

A

extitisse censetur. ADELBERTUS, senior filiorum Etichonis, per nepotes suos, BERTILONES Zaringo-Badensis; per LUITFRIDOS Habsburgo-Auftriacæ Familiarum est fator.

Natu junior, Eticho per EBERHARDOS, ex suo sanguine natos, Lotharingæ Ducum stemma produxit. Triplex hæc Gentis florentissimæ colonia ex fœcundo genitricis Alsatiae sinu trans Rhenum, trans Juram, trans Vogesum, per longa temporum intervalla migravit.

§. II.

Zaringo-
Badensis.

Prima migratio à BERTILONIDIS suscepta trans Rhenum; qui Carolingorum ævo fortunarum suarum sedem in Brisgovia posuerunt; avitarum istius oræ terrarum heredes; ex quibus Comites illi Provinciales prodiere Brisgovici, quos insequens ætas appellavit Landgravios. Ex his natus est Bertoldus ille, quem Henricus IV. Imp. Carinthiæ Ducem & Marchiæ Veronensis Marchionem creavit.

Ab hoc tempore DUCIS & MARCHIONIS honores ita adhæserunt Zaringicæ Genti, ut in ejus lineæ seniore, quæ fuit Zaringica, DUCIS character, in juniore, quæ Marchionum Badensium est, titulus MARCHIONIS subsisteret.

§. III.

Habsbur-
go - Au-
striaca.

Secunda Gentis Etichonæ colonia ex ADELBERTINA quoque linea prodiens, iisdem Carolingorum temporibus ex

Alfatia Jurassum transivit, ut avitas ibi quoque Burgundo-Helveticas Argoviae regiones occuparet. Habsburgicus hic Alfatiae palmes est, qui Landgraviatum ejus superiorem jam ante transitum possedit; qui deinceps migrationibus suis ex Helvetia in Austriam; (a) ex Austria in Hispaniam; (b) utrobique novas sibi coronas, nova regna comparavit. Ex palmite hoc superest Augustissima Romanorum Imperatrix, MARIA THERESIA, Hungariae Bohemiaeque Regina, hujus lineae ultima; heroicis virtutibus prima.

§. IV.

Post Luitfridigenas ex Etichonea Eberhardigenum propagine, Lotharingica. sub Imperatoribus Salicis, GERHARDUS ille Alfata prodiit; cui Lotharingiam Mosellanicam Henricus III. Imp. regendam commisit. (c)

Hic ex Alfatia trans Vogesum migrans, immenso septingentorum annorum intervallo, per certos XXIII. generationum gradus Lotharingiae Mosellanae Ducatum in suis posteris rexit; donec Augustissimus Germaniae Caesar, FRANCISCUS, MARIAE THERESIAE CONJUX, ex patriis quoque Lotharingiae terris in Hetruriam primum, inde traductus in Austriam, Eberhardigenum

A 2

(a) Anno MCCLXXXII.

(b) Anno MDIV.

(c) Anno MXLVIII.

palmitem, a Luitfridigenûm palmite per tot secula diftractum in Archiducibus, ex Lotharingico & Habsburgico sanguine natis, vinculo novo nostra ætate conjunxit.

§. V.

Nexus
hujus
vindices.

Confanguinitas hæc Habsburgicos inter Lotharingos atque Badenses obscuritate seculorum omnem hominum effugerat memoriam; donec seculi superioris medio HIERONYMUS VIGNIERIUS (*d*) eam ex tenebris in lucem protraxit; in linearum & graduum distributione ab ECCARDO & HERRGOTTO hinc inde correctus; quibus correctionibus & nostras nos observationes haud ita pridem adjecimus. (*e*) Nexum hunc Tabula peculiaris ostendit. (*f*)

§. VI.

Zaringicæ
Familiæ
splendor.

Profapia Zaringo-Badensis undecimo jam seculo Carinthiæ Sueviæque Ducatus & Marchiam Veronæ aliquandiu; Landgraviatum Brisgoviæ semper; Turicensem Comitavam a Bertoldi II. ævo; Reſtoratum Burgundici & Arelatenſis Regnorum a Conradi temporibus ad extinctam usque lineam Zaringo - Zaringicam constanter possedit; magnarum urbium restauratrix & conditrix; in turbis illis inter Imperium & Sacerdotium Cæsari Romæque formidabilis; quin & imponenda Imperii folio, si Bertoldus V. minus diffidens & liberalior fuisset.

(*d*) Vid. infra Lib. I. Cap. IV.

(*e*) Alfatiz Illustratæ Tom. I. pag. 753. sqq. & Tom. II. pag. 465. 474. sqq.

(*f*) In fine hujus Cap. I.

§. VII.

Zaringicus hic Bertoldorum sanguis in Marchionum Badenſium ſtirpe adhuc viget & regnat. Ex his AUGUSTUM GEORGIUM BADA - BADENSEM & CAROLUM FRIDERICUM BADA - DURLACENSEM, MARCHIONES, lineæ utriusque Regentes, noſtra ætas veneratur.

Sanguis
ejus in
Badenſi-
bus ſu-
perſtes.

Hi a Bertoldo I. Zaringiæ Duce, Hermanni Marchionis, qui Beatis annumeratus eſt, patre, per XXIV. generationum gradus ad noſtrum uſque tempus evidentibus chartarum & hiſtoricorum idoneorum testimoniis indubitanter deſcendunt.

§. VIII.

Eberhardo - Lotharingicam Domum AUGUSTINUS CALMETUS, Habsburgo - Auftriacam, MARQUARDUS HERGOTTUS vaſtis & doctis voluminibus expoſuere. Zaringo-Badenſem brevius ego exponendam ſuſcipio; origines & fata Sereniſſimæ Domus orbi literato tandem ut certius conſtent. Alſaticæ hiſtoriæ ſcriptor, qui Habsburgicos & Lotharingos trans Jura & trans Vogefum comitatus eſt, (g) verſo nunc ad orientem itinere, Luitfrido-Zaringos quoque & Zaringo - Badenſes, ex eadem Alſatia trans Rhenum proſequitur in amœnam Briſgoviam, Alſatiæ æmulam; in quam Zaringorum tranſiverunt majores, poſſeſſores Hachbergæ; in quo Marchionatu hujus operis auctor primam lucem aſpexit.

Operis
ſuſcepti
ratio.

A 3

(g) In Alſatiæ Illuſtratæ voluminibus.

§. IX.

Epochæ
Badenses.

Memorabiliores autem eventus ab origine Domus ad nostrum usque ævum brevi ut repræsentemus tabella, Zaringo-Badensem historiam omnem in septem distinctas dividimus Periodos.

PRIMA ab Etichone, seculi VII. Alfatix Duce, ad Bertoldum I. Zaringix Ducum & Badensium Marchionum indubitatum factorem. Periodus hæc ALSATO-BRISGOVICA est.

SECUNDA a Bertoldo I. ad Bertoldum V. qui seculo XIII. fuit Zaringorum postremus. Periodum hanc nominamus ZARINGICAM

TERTIA ab Hermannis VI. Marchionibus Badæ sibi ordine succedentibus, HERMANNIANA vocatur.

QUARTA est BADA-HACHBERGICA a factore HENRICIANA, quæ deinceps in HACHBERGA - HACHBERGENSEM & HACHBERGA-SAUSENBERGENSEM divisa.

QUINTA Badensis est senior, ab auctore suo RUDOLPHINA, quæ usque ad Bernhardum I. procedit, sub quo Hachbergicus Marchionatus ad lineam Badensium rediit; Hachbergica cum Ottone extincta; quod A. 1418. evenit.

SEXTA BERNHARDIANA est, a Bernhardo I. ad Christophorum usque se extendens, sub quo Saufenbergicæ quoque terræ A. 1503. ad Badensem lineam redierunt, Saufenbergensi extincta.

SEPTIMA Periodus, quæ CHRISTOPHORIANA a Marchione Christophoro, ad nostrum usque tempus decurrit, Badensis est junior; in BADA-BADENSEM iterum & BADA-DURLACENSEM partita.

Per gradus hos septem progredietur narratio. Singuli historiae Zaringo-Badensis lectoribus novum referant theatrum.

Ex Epochis his Primam CONJECTURALEM appello, quod Zaringorum majores nonnisi conjectando assequimur; sed conjectura, quæ historicam verisimilitudinem parit.

Epocha hæc, diuturnitate temporis omnium maxima, obscuritate rerum est brevior ceteris.

§. X.

Antequam autem nostrum Epochæ Primæ proponamus Syftemata varia. systema, antiquiora systemata, superioribus recepta seculis, quoque exponenda sunt breviter; quæ nempe longo temporum decursu in literario & politico orbe, quin & in ipsa Marchionum Badensium Domo, regnarunt.

Mirabuntur multi, quam credula fuerit mediæ ævi antiquitas; quam temerarii in conjectando sæpe fuerint juniores.

Multiplicia hæc stemmata in Tres Classes opportune dividimus.

Prima eorum Classis est, ITALICA Badensium quibus placet origo.

Secunda ex HELVETIA Burgundica, & quidem ex fictis Vindonissæ & Altenburgi Comitibus, Badenses deducit.

Tertia ex ALSATIAE Ducibus eos derivat; quæ verisimilior ceteris & postrema hypothesis est. ITALICA Classis antiquitate & numero scriptorum reliquas omnes exsuperat. HELVETICAE, quæ multos quoque asseclas habuit, Guillimannus est auctor; ALSATICA Vignierium, ut dixi, inventorem agnoscit.

§. X.

Gautela.

In hac varietate systematum monendus est Lector, communes Lotharingæ & Austriæ Domuum cum Badensi origines, ab Etichone derivatas, inter verisimillima poni; at sanguinis nexus Zaringos inter atque Badenses historicis veritatibus adscribendus est certis. Unde perpetuo eos vinculo ZARINGO-BADENSES appello.

Diverfos historicæ veritatis gradus qui non probe distinguunt, atque adeo fabulosa cum veris, verisimilia cum certis, certa cum dubiis indiscriminatim conjungunt, illi profecto in scribenda Gentium & Familiarum historia non rite procedunt.



TAB. I.

ad pag. 1.

T A B U L A I
F A M I L I A E B A D E N S I S
C U M H A B S B U R G I C A E T L O T H A R I N G I C A N E X U M
V E R I S I M I L E M O S T E N D E N S.

ETICHO Dux Alfatiae circa Annum 690.

ADELBERTUS Dux Alfat. † circa A. 720.

LUITFRIDUS I. Dux Alfat. circa A. 720.

LUITFRIDUS II. Comes † circa A. 800.

HUGO Comes † A. 837.

LUITFRIDUS III. Comes † A. 864.

LUITFRIDUS IV. Comes † circa A. 910.

LUITFRIDUS V. Comes Sundgoviae A. 912. et 925.

GUNTRAMNUS Dives, Comes Brisg. 950.

LANCCLINUS sive LANTOLDUS Comes † A. 990.

RADENOTO Comes Cleggoviae
† circa A. 1027.

WERNHARIUS, Comes de Habsburg
primus † 1096. ex quo FAMILIA
HABSBURGO-AUSTR. prodiit.

BERTOLDUS II. Dux, ZARIN-
GENSIUM Auctor † 1111.

BERTOLDUS Comes Bris-
goviae A. 999. et 1008.

BERTOLDUS ex Comite Brisg. Dux Carinthiae et Marchio
Veronenſis † 1078. COMMUNIS ZARINGENSIUM et
BADENSIUM ſtipes.

HERMANNUS Marchio BADENSIUM Sator † 1074.

ETICHO II. Dux.

ALBERICUS Comes circa A. 760.

EVERHARDUS I. Comes † circa A. 800.

EVERHARDUS II. Comes † A. 864.

EVERHARDUS III. Comes † circa A. 900.

HUGO I. Comes Nordgov. circa A. 940.

EVERHARDUS IV. Comes † ante A. 966.

ADELBERTUS I. Marchio Lotharingiae † post A. 1037.

GERHARDUS Comes † A. 1047.

GERHARDUS Comes de Alfatia, Dux Lotharingiae A. 1048
† 1070. Ducem LOTHARINGIAE Auctor.

